

Athör tueŋ cī Paulo gät kōc cī gam Thethalonika

Wet nom

Thethalonika ẽ ye gendit pan Mathedonia mec kōc Roma. Ee yen cī Paulo akut kōc cī gam looi thīn wäär cī yen ke jāl Pilipi. Kaam thīn wäär cī ke akut looi, ke kōc Itharel go tiel dōm ku kueeckē, rin cī kek ye tīŋ ke kōc cie kōc Itharel wäär thek yannden cī yannden puōl, ku piŋkē wet ye Paulo piōōc ku buōthkē yic. Kēya, aaci Paulo ben cop bī jāl Thethalonika ku le tueŋ gen Beria. Wäär cī Paulo dhuk pan Gīrik gen Korinth, go Timothī wäär cī keny Thethalonika, lek ye te rēer kōc cī gam Thethalonika thīn.

Ku jōl Paulo athör tueŋ kēnē gōt bī yen kōc cī gam deet puōth. Ku leec Nhialic rin cī yen ke piŋ ke reer gamden yic ku nhiarkē rōt kamken, ku bī ke cōl aa tak tewäär ciēŋ kek thīn ke ke, ku bī thiēcdeŋ cīk beei nhial dhuk nom wet bī Raan cī lōc ku dōc ben la dhuk pinynhom. Yenō bī rot looi tēnē kōc cī gam cī thou ẽ kaam kēnē te le Jethu dhuk? Ku ye nen yen bī Raan cī lōc ku dōc ben dhuk? Ku lēk Paulo ke bik la tueŋ ke lui apath ke tit ben Raan cī lōc ku dōc.

Kāk tō thīn

Muōth tueŋ 1:1

Aleec 1:2-3:13

Lēk ẽ cieŋ kōc cī gam 4:1-12

Lēk wet ben Raan cī lōc ku dōc 4:13-5:11

Lēk ciēn 5:12-22

Thōk ẽ wēl ku muōth ciēn 5:23-28

1 ¹ Athör kēnē aa yōk yī Paulo ku Thilath ku jōl a Timothī aa yōk cī ye tuōc we, wek akut kōc cī gam gen Thethalonika, ku yakē kōc Nhialic Wāda, ku jōl a Bānyda Jethu raan cī lōc ku dōc. Bī dhēēŋ ku dōr rēer ke we.

Pir ku gam kōc Thethalonika

² Yōk aa Nhialic leec rienkun ēbēn akōlakōl te rōōk yōk. ³ Wek aa yeku tak akōlakōl te rōōk yōk Nhialic Wāda rin luōidun ben gam yic, ku week aaci luui apeī rin nhiēer wek Jethu Krītho, ku rielkē puōth rin ŋōōth wek ye. ⁴ Aŋicku miethakua lōn nhiēer Nhialic we, ku aci we lōc ku bāk aa kacke. ⁵ Rin yōk aaci Wet Puōth Yam beei tēnē we, acie wet ẽ path, ee cath kek riel ku Wēi Nhialic ye nyuōōth lōn ẽ yen yic alanden atheer. Aŋieckē yen te cī yōk cieŋ thīn wäär rēer yōk ke we, ee rin ku buk we kony. ⁶ Wek aaci rōt thōŋ yō ku Bānyda, rin na cōk alōn cī wek gum apeī, ke wek aaci wet piŋ ke miet ẽ puōu bō tēnē Wēi ẽ Nhialic. ⁷ Ku kēya, te cī wek cieŋ thīn yen aci kōc cī gam Mathedonia ku Akaya tīŋ. ⁸ Ku acie rin cī wek wet Bānyda Jethu piōōc tēnē kōc Mathedonia ku Akaya ẽ rot, gamdun tēnē Nhialic aci kōc pinynhom ŋic ēbēn. Ku acin kē lēuku buk ben lueel. ⁹ Rin aa jam lōn cī wek yō ŋic nyuōōc wäär cī yōk keny tēnē we, ku kē cī wek muōl thīn bāk jak cī ben aa theek, ku ye Nhialic ẽ yic pir yetōk yen yakē door. ¹⁰ Ku bāk Wēnde yen bī ben pan Nhialic tiit, Wēnde Jethu yen cī jōt thou yic, ku ẽ yen abī yō luōk te luk Nhialic luk rin cī yen ke puōu riāāk apeī rin adumuōōmkua.

Kāk cī Paulo looi Thethalonika

2 ¹ Miethakua, aŋieckē kek week lōn kenyda tēnē we akēc nom tēec piny. ² Aŋieckē yen te cī yō lāät thīn, ku jōr yō Pilipi ke yō kēc yet tēnē we. Ku na cōk alōn wäär cī kōc juēc ye wic, ke Nhialic aci yō ben deet puōth buk we lek Wet Puōth Yam bō tēnē ye. ³ Wäär ye yōk we lek Wet Puōth Yam, wek aa we cuk ẽ lek lueth, tedē ke yō ye jam rin le yen kē buk yōk thīn, ku acin raan cuk wic ku buk ruēēny. ⁴ Kēya, aa yeku them buk aa jam tēcīt te wic Nhialic ye thīn rin cī yen yō lōc, ku thōn yō luōi bī yōk Wet Puōth Yam aa piōōc. Aa kēcku them ku buk aa looi kēn kōc miēēt puōth, ee kēn wic Nhialic raan kē tō kōc puōth ŋic. ⁵ Aŋieckē apath lōn yōk aa kēc ben buk we ben wel nhīim wēl puōth yeku ke lueel, ku aa kēcku ke lueel buk rōt kum ẽ ke, bī la kē yōk tēnē we. Nhialic aŋic kē tō yōpuōth. ⁶ Akēcku wic ku bī la raan lec yō ẽ kamkun ku kōc kōk, ⁷ ku cīt lōn ye yōk atuuc Raan cī lōc ku dōc, ee la kēn buk aa wic tēnē we. Wek aa we nhiarku, ku rēerku ke we cimēn ye man mīth miethke muk. ⁸ Rin nhiēer yōk we apeī acie Wet Puōth Yam

yen wicku buk lek we ë rot, aa cuk gam buk thou rienkun aya. Wek aa we nhiarku apeidit. ⁹ Yeen adhielkë muk wenhïim wek miethakua te cï yok luui thïn apeï. Yok aaci luui aköl ku weer, rin ku bï cien kë yeku thiëc tënë we tewäär ye yok we piöc Wet Puöth Yam ë Nhialic. ¹⁰ Wek aa ñic käk cuk looi, agut Nhialic anjic aya lön yok aaci ñiec ceñ kek wek kóc cï gam, ku week aa cuk ciëñj ë dhël dhëñj la cök cïn yic agääk. ¹¹ Anjickë yen te cï yok we ciëñj thïn, acit te ye raan ë dhiëth miethke ciëñj thïn. ¹² Wek aa cuk cöl aril puöth, ku wek aa cuk nyuöc puöth, ku lok tueñ ke lëkku we ku bäk pïr dhël yen Nhialic cöl amit puöu, Nhialic yen we cöl ku bäk röt mat bäanyde ku duarde yic.

¹³ Ku ala wet det ye yok Nhialic leec akölaköl. Wäär bï yok wet Nhialic tënë we, aa cäk piñ ku gamkë, ke ye wet bö tënë Nhialic, acie kë bö tënë raan. Ku wet Nhialic alui wepuöth ke war pierdun yic wek kóc cï gam. ¹⁴ Miethakua, käk cï röt looi tënë we aa cït käk cï röt looi tënë akut kóc cï wet Jethu Kritho gam Judia. Wek aaci käreç yök tënë kackun cimën wäär cï kóc cï gam Judia käreç yök tënë kóc Itharel, ¹⁵ cï kóc kök keyiic kóc käk Nhialic tiñ nök, ku ben kóc kök keyiic Beny Jethu nök. Ku kacken kök aaci yo cöl agum. Keek aaci Nhialic rac puöu apeï. Keek aa kóc ater tënë kóc ëbën. ¹⁶ Acik them bik yo aa gël buk kóc cie kóc Itharel lek wet bï ke luök. Këya, keek aaca adumuööm yekë ke looi akölaköl thöl thook. Ku ëmën Nhialic aci puöu riääk tënë ke ku aabi tem awuöc.

Awic Paulo bï kóc Thethalonika ben la neem

¹⁷ Ku yook miethakäi, tewäär cï yo puök yiic ë kaam koor, aa guäpkua kek aake cï jäl, ku wek aa we yeku tak te cï yok we dak thïn, ku acuk them apeï ku buk we ben tiñ. ¹⁸ Acuk wïc ku buk dhuk tënë we. Yen nom aca them arak juëc ku ba dhuk, ku jöñ ater ë Nhialic akëc yo puöl ku buk dhuk. ¹⁹ Cie week ë röt wek ë ñöth, ku miet ë puöu. Ku cie wek ajömdan bï yok nhiam Bänyda Jethu nom te le yen dhuk? ²⁰ Wek aa diik ku miet ë piända.

Timothï aci la Thethalonika

3 ¹ Acuk jäl yök lön nadë, ke kë cïi yok we bï ben tiñ, acuk ben guum. Ke yeen acuk tak buk döñ Athen warou, ² ku Timothï acuk tooc bï la tënë we, ku ë wämääthdan lui kek yo ë tök tënë Nhialic yok kóc kóc lek Wet Puöth Yam, rin Raan cï lóc ku döc. Yen acuk tooc ku bï we la cöl aril puöth ku bï we kony gamdun yic, ³ rin ku bï cien raan tök ë kamkun bï yenhom ben waar wet guum wek. Week nhïim anjickë lön guöm ë kë tööñ tö kam käk cï Nhialic guir tënë yo. ⁴ Cimën wäär ñot rëer yok ke we, acuk lek we tueñ lön yook yodhie yok aabi gum, ku yeen anjickë apeï, yen ë kë cï rot looi alanden. ⁵ Ku ë yen kë tooc yen Timothï. Yen acä lëu ku ba guum acin, ke yen aci yen ye tooc bï gamdun la tiñ. Aduër ayic alanden lön nadë ke jöñrac aci we lök ruëeny, ku luöidan cuk looi aci riääk.

⁶ Ëmën Timothï aci dhuk ciëñ, ku yeen aci thoñ path cï yo miëet puöth beei lön wek anjot we muk gamdun ku nhiarkë röt. Aci lek yo lön ye wek yo tak akölaköl, ku awieckë bäk yo ben tiñ cimën wïc yok ye buk we la tiñ. ⁷ Këya, käreç gumku ke yiic, yok aaci gamdun deet puöth miethakua, ⁸ rin cï yok ye piñ ëmën lön keec wek ë cök gam yic, gam yo gäm pïr yam. ⁹ Buk Nhialic leec apeï kädë rienkun, rin miet puöu reer ke yo Nhialic nom ë wetdun? ¹⁰ Aköl ku weer, Nhialic ayeku thiëc yopuöth ëbën ku buk we la tiñ ku nyuthku we kë ñuot keckë ñic gamdun yic.

¹¹ Bï Nhialic yen Wäda nom ku Benydan dït Jethu dhël guir tënë yo ku buk la tënë we. ¹² Bï Bänyda nhiër juak kamkun ku kóc kök aya apeï, cimën nhiëer yok we. ¹³ Bï we cöl aril puöth, ku wek aabi ya kóc cïn gup adumuööm Nhialic Wäda nom, te le Bänyda Jethu ben kek kóc ë kacke ëbën.

Pïr Nhialic cöl amit puöu

4 ¹ Këya miethakua, wek aa cuk lek te bï wek ñiec cien thïn bï Nhialic puöu miet. Ku ë yen te pïir wek thïn alanden. Ku ëmën wek aa yeku löñ ku yöökku we rin Bänyda Jethu, bäk ciëñj këñë cuot tueñ. ² Wek aa ñic kë cuk lek we ë riel cuk yök tënë Beny Jethu. ³ Wek aa wïc Nhialic bäk dhiel aa kóc path, ku cäk wepuöth ye yiëk käk ë bal. ⁴ ñjek adhil yeguöp tiit bï cien dhël puöth Nhialic kek atheek, ⁵ ku cïi yepuöu yik käk ë bal cimën raan cïn gam tënë Nhialic. ⁶ Ku ë këñë yic, acin raan loi këracc tënë menhë det cï gam. Wek acuk lek ë wet këñë, ku acuk tet we aya lön bï Nhialic kóc käreckä looi tem awuöc. ⁷ Acïi Nhialic wïc buk yopuöth aa yiëk käk ë bal. Awic buk cien yo cïn gup adumuööm. ⁸ Këya, raan kuec bï wël cuk lek weekkä cïi piñ, acie wetda yen cïi piñ, ee wet Nhialic, Nhialic we yiëk wëi.

⁹ Acin këñ nadë ke benku lueel athör këñë yic bäk kóc kök cï wet Jethu gam nhiaar. Rin Nhialic guöp aci we piöc te bï wek röt aa nhiaar thïn kamkun. ¹⁰ Ku ë yic, wek aa nhiaar miethakun Mathedonia yic ëbën. Ku

aŋot lëkku we, bāk nhiërdun juak yic. ¹¹ Tääükë wenhüim ku bāk cien apath, bāk cii ë cien guënyguëny, ku raan ë rot muk apath kam kōc ë kōŋde cimën wäär cī yok ye lek we. ¹² Na luōikë ë kënë ke wek aabi kōc kōk kēc wet Jethu gam nhiaar ku thekkë we. Luōikë röt bi cien kë yakë wic tënë kōc kōk.

Aköl ben ë Beny

¹³ Miethakua, awicku bāk yic ŋic rin kōc cī thou ë kamkun, ku bāk cii dhiau wepuōth cimën kōc kōk cinkë yekë ŋōōth. ¹⁴ Ayeku gam lōn cī Jethu thou ku aci ben pīr. Këya, yook aya, ayeku gam lōn Nhialic abi kōc ke cī wet Jethu gam ku thoukë, cōl aa ben pīr ku dhukkë kek ye.

¹⁵ Kën yen lëkku we ëmën, ee kë cī Beny piōōc tënë yok kōc bi ŋot yo pīr. Aköl bi Beny ben, yok aacii bi la tuëŋ tënë kōc cī kaŋ thou. ¹⁶ Kōc ëbën aabi rōl atunydit Nhialic piŋ, ke koth kaŋ ë Nhialic lëk kōc, ku Beny guōp abi ben piny nhial. Ku kōc cī thou ke cī wet Raan cī lōc ku dōc gam, kek aabi kaŋ pīr. ¹⁷ Ku yok kōc bi ŋot yo pīr aköl kënë, yok aabi kuōōt yiic ke ke, ku yeth yo luät yiic buk rōm kek Beny aliir yic nhial, ku yok aabi rëër ke Jethu akōlaköl. ¹⁸ Këya, deetkë wepuōth ë wëlkä.

Guierkë röt ë rin ben Beny

5 ¹ Acin kën nadë ke benku lueel athör kënë yic buk aköl bi kākä röt looi lek we. ² Aŋieckë kek we lōn Beny abi ben ke cii ŋic, cimën dhie ye cuär ben wakōu ke cii ŋic. ³ Te lueel ye ëlä, “Këriëec ëbën apath acin kërac,” ke këreec bi kōc gum thīn abi dhiel ben ke cīn raan ye tak lōn bi yen rot looi cimën tiŋ dhie rōp rem apei. Ku acin kōc bi poth ë këreec kënë yic. ⁴ Ku wek miethakäi, wek aacii cit kōc rëer muōōth yic, rin wek aa ŋic Nhialic. Këya, aköl kënë acii bi la ciel wegup cimën cuär ke kuōckë. ⁵ Week ëbën, wek aa rëer ruel yic rin ŋic wek Jethu. Yok aacii cit kōc rëer muōth yic kuc Nhialic. ⁶ Na ye këya, ke yok aacii nin cimën kōc kōk, yok aa dhil nhüim tīr ku dukku ye wiet määu. ⁷ Ee wakōu yen aye kōc nin, ku yen dëk kek thīn määu apei. ⁸ Ku yok aa kōc ruel. Këya, tüirku nhüim ku titku röt ë gamda ku nhierda bi jōŋrac yo cii duōŋ. Ku cōlku ŋōth rëer ke yo lōn bi Jethu yo luōk, aye kōt. ⁹ Rin Nhialic akēc yo lōc ë ten rin bi yen yo tem awuōc aköl luŋdit, aci looi këya, bi yo luōk dhël Bānyda Jethu Kritho. ¹⁰ Acī thou rienkua rin bi yok pīr yodhie kek ye aköldä, te piir yok ayi te cī yok thou. ¹¹ Yakë wepuōth deet, ku kuōnykë röt kamkun, cimën looi wek ye ëmën.

Lëk ciëen ku muōth

¹² Wek aa leŋku miethakua ku bāk kōcdit wat wenhüim gam Bānyda yic, kōc luikä apei kamkun theek, kōc we nyuōth kë bāk looi pīr kōc cī gam yic. ¹³ Ŋieckë kōc ciëëŋ apeidit ku nhiarkë ke rin kăpuōth yekë ke looi. Ku ŋieckë ceŋ kamkun.

¹⁴ Week aa yōōkku miethakua, bāk kōc aa dak rōōt cie luui lek, ku rieelkë kōc riōc gup nyin, ku kuōnykë kōc wic kuōny, ku yakë raan ëbën jääm ke we cī wepuōth päl piny. ¹⁵ Dhielkë ŋic lōn acin raan guur kërac këreec det, ku yakë wic wepuōth bi ya këpath yen yakë looi kamkun ku kōc ëbën akōlaköl.

¹⁶ Yakë rëër we mit puōth akōlaköl, ¹⁷ ku yakë rëër we rōōk, ¹⁸ yakë Nhialic leec, kuat këriëec rot looi tënë we. Kënë, yen awic Nhialic tënë we pierdun yic, ke we ye kōc cī mat kek Raan cī lōc ku dōc, Jethu. ¹⁹ Duk Wëi Nhialic gël nhom. ²⁰ Ku duk wël kōc ye lueel lōn ye kek kāk Nhialic tiŋ, ye yōōŋ yiic. ²¹ Kaŋkë deet yic, muōkkë wenhüim këpath, ²² ku duōkkë röt ye thiäk kuat kërac.

²³ Bi Nhialic ë yo yiëk dōōr, we looi bāk aa kōc path këriëec ëbën yic, ku muk weikun ku guäpkun ke cīn yic ajuëec aköl bi Bānyda Jethu Kritho. ²⁴ Ku yen raan we cōl ala gam ku abi looi.

²⁵ Rōōkkë aya rienkua miethakua. ²⁶ Miäthkë kōc cī gam puōu ëbën. ²⁷ Wek aa yōōk rin Bānyda, bāk athör kënë kuen tënë kōc cī gam ëbën.

²⁸ Bi dhëëŋ Bānyda Jethu Kritho rëër ke we.